

CDブック『聞いて楽しむ論語』（創元社）を  
より深く理解していただくために提供します。  
この原文篇を片手に、本篇書籍付属のCDで、  
心に響く言葉を繰り返し味わってください。  
ページ番号は書籍に一致しています。  
ページ右上の①②③…はCDのトラック番号です。

（本篇）

聞いて楽しむ 論語 — 聞き読み教養ライブラリー

2011年1月20日発行

著者……………兒玉憲明

朗読……………宗矢樹頼

発行所……………(株) 創元社


ISBN 978-4-422-68485-7

聞き読み  
教養ライブラリー

# 論語 （心に響く百十二章）

兒玉憲明  
【編】

『聞いて楽しむ  
論語』 別冊（原文篇）



子曰、學而時習之、不亦說乎。有朋自遠方來、不亦樂乎。人不知而不愠、不亦君子乎。

（學而第一・二）

有子曰、其爲人也、孝弟而好犯上者、鮮矣。不好犯上、而好作亂者、未之有也。君子務本。本立而道生。孝弟也者、其爲仁之本與。

（學而第一・二）



子曰、巧言令色、鮮矣仁。

（學而第一・三）

曾子曰、吾日三省吾身。爲人謀而不忠乎、  
與朋友交而不信乎、傳不習乎。

（學而第一・四）



子曰、君子、不重則不威、學則不固。主忠信、無友不如己者。過則勿憚改。

（學而第一·八）

子曰、父在觀其志、父沒觀其行。三年無改於父之道、可謂孝矣。

（學而第一·十二）



有子曰、禮之用和爲貴、先王之道斯爲美。  
 小大由之、有所不行。知和而和、不以禮節  
 之、亦不可行也。

（學而第一·十二）

子曰、君子食無求飽、居無求安、敏於事而  
 慎於言、就有道而正焉。可謂好學也已。

（學而第一·十四）



子曰、詩三百、一言以蔽之。曰、思無邪。

(爲政第二・二)

子曰、道之以政、齊之以刑、民免而無恥。  
道之以德、齊之以禮、有恥且格。

(爲政第二・三)



子曰、吾十有五而志于學。三十而立。四十而不惑。五十而知天命。六十而耳順。七十而從心所欲、不踰矩。

（爲政第二·四）

孟懿子問孝。子曰、無違。樊遲御。子告之曰、孟孫問孝於我、我對曰無違。樊遲曰、何謂也。子曰、生事之以禮、死葬之以禮、祭之以禮。

（爲政第二·五）



孟武伯問孝。子曰、父母唯其疾之憂。

（爲政第二·六）

子游問孝。子曰、今之孝者、是謂能養。至於犬馬、皆能有養。不敬何以別乎。

（爲政第二·七）





子夏問孝。子曰、色難。有事弟子服其勞、有酒食先生饌、曾是以爲孝乎。

（爲政第二·八）

子曰、溫故而知新、可以爲師矣。

（爲政第二·十二）



子曰、君子不器。

（爲政第二・十二）

子曰、君子周而不比、小人比而不周。

（爲政第二・十四）



子曰、學而不思則罔、思而不學則殆。

（爲政第二・十五）

子曰、由、誨女知之乎。知之爲知之、不知爲不知、是知也。

（爲政第二・十七）



哀公問曰、何爲則民服。孔子對曰、舉直錯諸枉、則民服。舉枉錯諸直、則民不服。

（爲政第二·十九）

或謂孔子曰、子奚不爲政。子曰、書云、孝乎惟孝、友于兄弟、施於有政。是亦爲政。奚其爲爲政。

（爲政第二·二十一）



子曰、非其鬼而祭之、諂也。見義不爲、無  
勇也。

（爲政第二·二十四）

林放問禮之本。子曰、大哉問。禮、與其奢  
也寧儉。喪、與其易也寧戚。

（八佾第三·四）



子曰、夷狄之有君、不如諸夏之亡也。

（八佾第三·五）

王孫賈問曰、與其媚於奧、寧媚於竈、何謂也。子曰、不然、獲罪於天、無所禱也。

（八佾第三·十三）



子曰、居上不寬、爲禮不敬、臨喪不哀、吾  
何以觀之哉。

(八佾第三·二十六)

子曰、唯仁者能好人、能惡人。

(里仁第四·三)



子曰、人之過也、各於其黨。觀過斯知仁矣。

(里仁第四·七)

子曰、朝聞道、夕死可矣。

(里仁第四·八)





子曰、士志於道、而恥惡衣惡食者、未足與議也。

（里仁第四·九）

子曰、參乎、吾道一以貫之。曾子曰、唯。子出。門人問曰、何謂也。曾子曰、夫子之道、忠恕而已矣。

（里仁第四·十五）



子曰、事父母幾諫。見志不從、又敬不違、勞而不怨。

（里仁第四·十八）

子曰、父母在、不遠遊、遊必有方。

（里仁第四·十九）



子曰、父母之年、不可不知也。一則以喜、  
一則以懼。

(里仁第四・二十二)

子曰、道不行、乘桴浮于海。從我者其由與。  
子路聞之喜。子曰、由也好勇過我、無所取  
材。

(公治長第五・七)



子謂子貢曰、女與回也孰愈。對曰、賜也何敢望回。回也聞一以知十、賜也聞一以知二。子曰、弗如也。吾與女、弗如也。

（公治長第五·九）

宰予晝寢。子曰、朽木不可雕也、糞土之牆不可朽也。於予與何誅。子曰、始吾於人也、聽其言而信其行。今吾於人也、聽其言而觀其行。於予與改是。

（公治長第五·十）



子曰、孰謂微生高直。或乞醯焉、乞諸其鄰而與之。

（公治長第五・二十四）

仲弓問子桑伯子。子曰、可也、簡。仲弓曰、居敬而行簡、以臨其民、不亦可乎。居簡而行簡、無乃大簡乎。子曰、雍之言然。

（雍也第六・二）



哀公問、弟子孰爲好學。孔子對曰、有顏回者好學。不遷怒、不貳過。不幸短命死矣。今也則亡、未聞好學者也。

（雍也第六·三）

伯牛有疾、子問之。自牖執其手、曰、亡之、命矣夫。斯人也而有斯疾也、斯人也而有斯疾也。

（雍也第六·十）



子曰、賢哉回也。一簞食、一瓢飲、在陋巷。人不堪其憂、回也不改其樂。賢哉回也。

（雍也第六·十二）

冉求曰、非不說子之道、力不足也。子曰、力不足者、中道而廢。今女畫。

（雍也第六·十二）



子游爲武城宰。子曰、女得人焉耳乎。曰、  
有澹台滅明者。行不由徑、非公事、未嘗至  
於偃之室也。

（雍也第六·十四）

子曰、孟之反不伐。奔而殿、將入門、策其  
馬、曰、非敢後也、馬不進也。

（雍也第六·十五）





子曰、質勝文則野、文勝質則史。文質彬彬、  
然後君子。

（雍也第六·十八）

子曰、知之者不如好之者。好之者不如樂之  
者。

（雍也第六·二十）



樊遲問知。子曰、務民之義、敬鬼神而遠之、可謂知矣。問仁。曰、仁者先難而後獲、可謂仁矣。

（雍也第六·二十二）

子見南子。子路不說。夫子矢之曰、予所否者、天厭之、天厭之。

（雍也第六·二十八）



子貢曰、如有博施於民、而能濟衆、何如、可謂仁乎。子曰、何事於仁、必也聖乎。堯舜其猶病諸。夫仁者、己欲立而立人、己欲達而達人。能近取譬、可謂仁之方也已。

（雍也第六·三十）

子曰、不憤不啓、不悱不發。舉一隅不以三隅反、則不復也。

（述而第七·八）



子食於有喪者之側、未嘗飽也。

(述而第七·九)

子謂顏淵曰、用之則行、舍之則藏、唯我與爾有是夫。子路曰、子行三軍、則誰與。子曰、暴虎馮河、死而無悔者、吾不與也。必也臨事而懼、好謀而成者也。

(述而第七·十二)



子在齊聞韶、三月不知肉味。曰、不圖爲樂之至於斯也。

（述而第七·十四）

子曰、飯疏食、飲水、曲肱而枕之、樂亦在其中矣。不義而富且貴、於我如浮雲。

（述而第七·十六）



子曰、我非生而知之者。好古、敏以求之者也。

(述而第七·二十)

子曰、三人行、必有我師焉。擇其善者而從之、其不善者而改之。

(述而第七·二十二)



子疾病。子路請禱。子曰、有諸。子路對曰、有之、誅曰禱爾于上下神祇。子曰、丘之禱久矣。

(述而第七·三十五)

子曰、奢則不孫、儉則固。與其不孫也、寧固。

(述而第七·三十六)



子曰、恭而無禮、則勞。慎而無禮、則蕙。勇而無禮、則亂。直而無禮、則絞。君子篤於親、則民興於仁。故舊不遺、則民不偷。

（泰伯第八·二）

曾子有疾、召門弟子曰、啓予足、啓予手。詩云、戰戰兢兢、如臨深淵、如履薄冰。而今而後、吾知免夫。小子。

（泰伯第八·三）





曾子曰、士不可以不弘毅。任重而道遠。仁以爲己任、不亦重乎。死而後已、不亦遠乎。

（泰伯第八·七）

子曰、民可使由之、不可使知之。

（泰伯第八·九）



子曰、篤信好學、守死善道。危邦不入、亂邦不居。天下有道則見、無道則隱。邦有道、貧且賤焉、恥也。邦無道、富且貴焉、恥也。

（泰伯第八·十三）

子畏於匡。曰、文王既沒、文不在茲乎。天之將喪斯文也、後死者不得與於斯文也。天之未喪斯文也、匡人其如予何。

（子罕第九·五）



大宰問於子貢曰、夫子聖者與、何其多能也。  
 子貢曰、固天縱之將聖、又多能也。子聞之曰、  
 大宰知我乎。吾少也賤、故多能鄙事。君子  
 多乎哉、不多也。

(子罕第九·六)

子貢曰、有美玉於斯、韞匱而藏諸、求善賈  
 而沽諸。子曰、沽之哉、沽之哉。我待賈者  
 也。

(子罕第九·十三)



子曰、譬如爲山、未成一簣、止吾止也。譬如平地、雖覆一簣、進吾往也。

（子罕第九·十九）

子曰、後生可畏。焉知來者之不如今也。四十五十而無聞焉、斯亦不足畏也已。

（子罕第九·二十三）



疾、君視之。東首加朝服、拖紳。

（鄉黨第十·十三）

子曰、先進於禮樂、野人也、後進於禮樂、君子也。如用之、則吾從先進。

（先進第十一·二）



顏淵死、顏路請子之車、以爲之椁。子曰、才不才、亦各言其子也。鯉也死、有棺而無椁。吾不徒行以爲之椁。以吾從大夫之後、不可徒行也。

（先進第十一·八）

顏淵死。子哭之、慟。從者曰、子慟矣。曰、有慟乎、非夫人之爲慟、而誰爲。

（先進第十一·十）



顏淵死。門人欲厚葬之。子曰、不可。門人厚葬之。子曰、回也視予猶父也、予不得視猶子也。非我也、夫二三子也。

(先進第十一・十二)

季路問事鬼神。子曰、未能事人、焉能事鬼。曰、敢問死。曰、未知生、焉知死。

(先進第十一・十二)



子曰、由之瑟、奚爲於丘之門。門人不敬子路。子曰、由也升堂矣、未入於室也。

（先進第十一·十五）

子貢問、師與商也孰賢。子曰、師也過、商也不及。曰、然則師愈與。子曰、過猶不及。

（先進第十一·十六）





司馬牛問君子。子曰、君子不憂不懼。曰、不憂不懼、斯謂之君子已乎。子曰、內省不疚、夫何憂何懼。

（顏淵第十二·四）

司馬牛憂曰、人皆有兄弟、我獨亡。子夏曰、商聞之矣、死生有命、富貴在天。君子敬而無失、與人恭而有禮、四海之內、皆兄弟也。君子何患乎無兄弟也。

（顏淵第十二·五）



子曰、君子成人之美、不成人之惡。小人反是。

（顏淵第十二・十六）

季康子問政於孔子曰、如殺無道以就有道、何如。孔子對曰、子爲政、焉用殺。子欲善而民善矣。君子之德風、小人之德草、草上之風必偃。

（顏淵第十二・十九）



葉公語孔子曰、吾黨有直躬者、其父攘羊、而子證之。孔子曰、吾黨之直者異於是。父爲子隱、子爲父隱、直在其中矣。

（子路第十三·十八）

子貢問曰、鄉人皆好之、何如。子曰、未可也。鄉人皆惡之、何如。子曰、未可也。不如鄉人之善者好之、其不善者惡之。

（子路第十三·二十四）



子曰、君子易事而難說也。說之、不以道、不說也。及其使人也、器之。小人難事而易說也。說之雖不以道、說也。及其使人也、求備焉。

（子路第十三·二十五）

子曰、善人教民七年、亦可以即戎矣。

（子路第十三·二十九）



子曰、邦有道、危言危行。邦無道、危行言孫。

（憲問第十四・三）

子曰、貧而無怨難、富而無驕易。

（憲問第十四・十）



子曰、古之學者爲己、今之學者爲人。

（憲問第十四・二十四）

或曰、以德報怨、何如。子曰、何以報德。  
以直報怨、以德報德。

（憲問第十四・三十四）



子曰、莫我知也夫。子貢曰、何爲其莫知子也。  
子曰、不怨天、不尤人、下學而上達。知我  
者其天乎。

（憲問第十四・三十五）

子擊磬於衛。有荷蕢而過孔氏之門者、曰、  
有心哉、擊磬乎。既而曰、鄙哉、硜硜乎。  
莫己知也、斯己而已矣。深則厲、淺則揭。  
子曰、果哉、末之難矣。

（憲問第十四・三十九）



衛靈公問陳於孔子。孔子對曰、俎豆之事、則嘗聞之矣。軍旅之事、未之學也。

（衛靈公第十五・二）

明日遂行。在陳絕糧。從者病、莫能興。子路愠見曰、君子亦有窮乎。子曰、君子固窮、小人窮斯濫矣。

（衛靈公第十五・二）





子曰、直哉史魚、邦有道如矢、邦無道如矢。  
君子哉蘧伯玉、邦有道則仕、邦無道則可卷  
而懷之。

（衛靈公第十五·七）

子曰、可與言而不與言、失人。不可與言而  
與之言、失言。知者不失人、亦不失言。

（衛靈公第十五·八）



子曰、君子不以言舉人、不以人廢言。

（衛靈公第十五・二十三）

子貢問曰、有一言而可以終身行之者乎。子  
曰、其恕乎。己所不欲、勿施於人。

（衛靈公第十五・二十四）



子曰、吾嘗終日不食、終夜不寢、以思。無益。不如學也。

（衛靈公第十五·三十二）

子曰、君子謀道、不謀食。耕也、餒在其中矣。學也、祿在其中矣。君子憂道、不憂貧。

（衛靈公第十五·三十二）



孔子曰、侍於君子有三愆。言未及之而言、謂之躁。言及之而不言、謂之隱。未見顏色而言、謂之瞽。

（季氏第十六·六）

孔子曰、君子有三戒。少之時、血氣未定、戒之在色。及其壯也、血氣方剛、戒之在鬪。及其老也、血氣既衰、戒之在得。

（季氏第十六·七）



孔子曰、生而知之者、上也。學而知之者、次也。困而學之、又其次也。困而不學、民斯爲下矣。

（季氏第十六·九）

子曰、性相近也、習相遠也。子曰、唯上知與下愚、不移。

（陽貨第十七·二）



子之武城。聞弦歌之聲，夫子莞爾而笑，曰：割雞焉用牛刀。子游對曰：昔者，偃也聞諸夫子曰：君子學道則愛人，小人學道則易使也。子曰：二三子，偃之言是也。前言戲之耳。

（陽貨第十七·三）

公山弗擾以費畔，召。子欲往。子路不說曰：未之也，已。何必公山氏之之也。子曰：夫召我者，而豈徒哉。如有用我者，吾其爲東周乎。

（陽貨第十七·四）



子曰、鄉原、德之賊也。

(陽貨第十七·十二)

子曰、鄙夫可與事君也與哉。其未得之也、患得之。既得之、患失之。苟患失之、無所不至矣。

(陽貨第十七·十三)



子曰、唯女子與小人爲難養也。近之則不孫、遠之則怨。

（陽貨第十七·二十三）

子夏曰、雖小道、必有可觀者焉。致遠恐泥、是以君子不爲也。

（子張第十九·四）





子夏曰、君子信而後勞其民。未信、則以爲厲己也。信而後諫。未信、則以爲謗己也。

（子張第十九・十）

孔子曰、不知命、無以爲君子也。不知禮、無以立也。不知言、無以知人也。

（堯曰第二十三・三）

